

Broj: 294/15
Datum: 11.09.2015. godine

Na osnovu ovlaštenja iz člana 27. Statuta Javne ustanove Narodno pozorište u Mostaru, direktor donosi:

ODLUKU

o uslovima i cijenama
iznajmljivanja sale Narodnog pozorišta

Član 1.

Ovom odlukom regulisane su cijene i uslovi iznajmljivanja Velike sale i Male scene (Studio 64) Narodnog pozorišta u Mostaru.

Član 2.

Svako fizičko ili pravno lice ima pravo iznajmiti Veliku salu ili Studio 64 Narodnog pozorišta u Mostaru za održavanje prikladnih programa i sadržaja u vlastitoj organizaciji.

Član 3.

1. Neće biti dopušteno organizovanje neprimjerenih, neprikladnih niti sadržaja koji na bilo koji način nisu dostojni organizovanja u prostoru Narodnog pozorišta Mostar.
2. Programi isključivo vjerskog karaktera, kao ni programi koji na bilo koji način vrijeđaju građane bez obzira na nacionalno, vjersko ili drugo opredjeljenje, neće biti organizovani u prostorijama Narodnog pozorišta Mostar.
3. Ocjenu programa može dati Upravni odbor, Umjetnički savjet i Umjetnički direktor; a konačnu odluku o održavanju programa donosi direktor.

Član 4.

1. Zakup sale se vrši slanjem zahtjeva/molbe, putem pošte ili elektronski na adresu Narodnog pozorišta, najkasnije do 10-og u mjesecu za programe koji će se održati narednog mjeseca.
2. Programi se mogu otkazati bez posljedica najkasnije trideset dana prije njihovog održavanja, u suprotnom, zakupac ima obavezu platiti punu cijenu zakupa kao da se program i održao.

Član 5.

Cijene zakupa Velike sale, u trajanju od jednog do četiri sata su:

1. **1.500,00 KM** (slovima: **jednahiljadaipetstotina konvertibilnih maraka**) – manifestacije na nacionalnom, regionalnom i internacionalnom nivou organizovane od strane društava visokog biznisa i budžetskih korisnika; jednokratna televizijska snimanja - televizijske kuće i produkcije;
2. **1.000,00 KM** (slovima: **jednahiljada konvertibilnih maraka**) –programi međunarodne saradnje; programi inozemnih diplomatskih i konzularnih predstavništva; visokobudžetne kompanije (telekomi, bankarski sektor, osiguravajuće kuće, ostala poduzeća i kompanije velikog biznisa); političke stranke i partije;
3. **800,00 KM** (slovima: **osamstotina konvertibilnih maraka**) – svečane akademije u povodu državnih i vjerskih blagdana, značajnih jubileja i godišnjica; visokokomercijalni programi iz oblasti kulture, umjetnosti i industrije zabave sa cijenom ulaznice od najmanje 10 KM (slovima: deset konvertibilnih maraka);
4. **600,00 KM** (slovima: **šeststotina konvertibilnih maraka**) – kompanije i preduzeća srednje veličine; komercijalni programi iz oblasti kulture, umjetnosti i industrije zabave sa cijenom ulaznice od 7 (slovima: sedam) do 9,99 KM (slovima: devet konvertibilnih maraka i devedesetdevet konvertibilnih feninga); univerziteti;
5. **500,00 KM** (slovima: **petstotina konvertibilnih maraka**) – kompanije i preduzeća manjeg biznisa; komercijalni programi iz oblasti kulture, umjetnosti i industrije zabave sa cijenom ulaznice od 5 (slovima: pet) do 6,99 KM (slovima: šest konvertibilnih maraka i devedesetdevet konvertibilnih feninga);
6. **500,00 KM** (slovima: **petstotina konvertibilnih maraka**) – osnovne i srednje škole; ustanove predškolskog odgoja; kulturno-umjetnička društva i nacionalna kulturna društva; kulturno-umjetnički programi (koncerti, predavanja, tribine) otvoreni za javnost; komercijalni programi iz oblasti kulture, umjetnosti i industrije zabave sa cijenom ulaznice do 4,99 KM (slovima: četiri konvertibilne marke i devedesetdevet konvertibilnih feninga);
7. **250,00 KM** (slovima: **dvijestotineipedeset konvertibilnih maraka**) – Promocije knjiga, publikacija, naučni skupovi i slični nekomercijalni programi. Programi humanitarnog karaktera u kojima je kompletan ostvareni prihod usmjeren u humanitarne svrhe.
8. Ovlaštena osoba organizatora humanitarnog programa obavezna je potpisati izjavu, ovjerenu kod notara-javnog bilježnika, u kojoj je potrebno izrijeком navesti kako će sav prihod prikupljen organiziranjem programa biti usmjeren u humanitarne svrhe, sa preciznim navođenjem svrhe uplate, imena i prezimena/naziva primatelja, naziva banke i broja računa na koji će uplata biti izvršena, kao i rokova u kojima će prikupljena sredstva biti preusmjerena na račun primatelja.

Član 6.

1. U cijenu je uračunato korištenje pratećih prostorija, osvjetljenje i ozvučenje kojim raspolaže Narodno pozorište, uslugom tehničara za svjetlo i tehničara za ton, te osobom zaduženom za koordinaciju.

2. Za korištenje duže od pet sati, zakupac je u obavezi platiti dodatnih 100,00 (stotinu konvertibilnih maraka) za svaki sat vremena prekoračenja.
3. U zimskom periodu obavezno je dodatno plaćanje grijanja u iznosu od 50,00 (pedeset konvertibilnih maraka) za svaki sat korištenja.

Član 7.

Cijene iznajmljivanja male scene (Studio 64) su 50 % niže od cijena za zakup Velike sale.

Zbog specifičnosti određenih slučajeva i okolnosti zakupa, direktor zadržava pravo dati popust u maksimalnom iznosu od 20 %.

Mostar, 11. septembar 2015. godine

Javna ustanova
Narodno pozorište Mostar
direktor, Almir Mujkanović